

**Zeitschrift:** Bündner Schulblatt = Bollettino scolastico grigione = Fegl scolastic grischun

**Herausgeber:** Lehrpersonen Graubünden

**Band:** 53 (1993-1994)

**Heft:** 6: Zu Ihren Diensten... : eine Übersicht über alle Schuldienste, die Logopäden unter der Lupe

**Artikel:** Il müdamaint da la stanza da scuola in üna stanza da terapia : Logopedia

**Autor:** Lansel Gregori, Christina

**DOI:** <https://doi.org/10.5169/seals-357122>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 03.12.2025

**ETH-Bibliothek Zürich, E-Periodica, <https://www.e-periodica.ch>**

Logopedia

# Il müdamaint da la stanza da scoula in üna stanza da terapia

**Decis da m'inscriver pel stüdi da logopedia n'haja sainza bler stübgjar. Eu gnanca nu savaiva che cha quai füss. Aint illa brochüra da la scoula n'haja let, cha la logopedia haja dachefer alch cun lingua e linguistica e quista descripiun, sper tuot tschellas m'ha parü amo la plü interessanta.**

**Uschè suna rivada giò Turich. Eu am n'ha decisa da far quel stüdi al seminari da pedagogia curativa (HPS), però i vess eir dat otras pussibilitats a Turich svesa o eir in otras citats.**

Sch'inchün am dumandaiva che ch'eu stübgjaiva, alura nu savaiva gnanca dar üna dretta resposta, però quai nu'm disturbaiva.

Meis prüm di illa cità gronda m'ha plaschü ourdvar bain. Tuot es stat in movimaint, ün giröz in tuot la cità, musica, mascras e cortegi, id es güsta stat il di dal «Sechsilüte». In-

*Cristina Gregori Lansel, Scuol*

somma, in üna cità cun tanta glieud cuntainta as lascha sgüra viver ed eu m'allegraiva sün quists ons.

Cha na tuot ils dis nu sun uschè allegraivels sco'l prüm n'haja badà lura te'l svelt, però il stüdi am plaschaiva istess. Il prüm on esa stat da s'interessar per tuot, per pedagogia, filosofia, etica, ma eir per müts e suords, per statisticas e tests, per la medicina e per la psicologia... i nu finiva plü. Ün on cun blers «aha's» ed «oh's», ün on fich interessant ed intensiv. Quel on vess pudü dürar per meis gust amo plü lösch.

Minchatant però suna eir stat stutta cun quant pac savair e cugnuschentschas a regard l'uffant impedi cha no magisters e magistras gnin our dal seminari e la noscha conscienzcha m'ha seccada daplü co be üna jada. Chi sa sch'eu vess pudü reagir plü bain cur cha Rico schlavazzaiva quaderns e risplis tras tuot la stanza da scoula perquai ch'el nu d'eira simplaming na bun da scriver seis bustabs sün üna lingua?


Ils prossems duos ons sun alura stats occupats cul stüdi specific da logopedia... intanta però suna gnüda a savair che chi'm spettaiva. La lingua e la comunicaziun e tuot ils disturbis ed impedimaints chi han dachefer cun quai significhan logopedia. La comunicaziun es uschè vasta cha quists duos ons gnanca nun bastan per imprendere tuot quai.

Davo cha'l stüdi es stat absolt n'haja lavurà a l'ospital. Ün lavur tuotafat incuntschaint per mai. Eu n'ha gnüda m'occupar cun paziaints juvenils e creschüts, paziaints cun cuolps da tscharvè, paziaints cun MS, paziaints d'accidaints e ferridas dal tscharvè, paziaints cun tumors o cun otras malatias dal tscharvè. Dad ir dürant ils prüms dis sper il let d'üna mamma giuvna, chi tras ün cuolp nu d'eira plü buna da communicar in ingüna maniera, quai nu d'eira adüna be simpel. Ma vairamaing gnanca nu dependaiva da l'età, insomma minch'impedimaint illa comunicaziun significha ün'isolaziun illa vita sociala. Cun üna terapia adattada a mincha paziant improuva la logopedia da güdar cun exercizis per l'incletta auditiva, exercizis per la lingua spontana exercizis per l'articulaziun, exercizis per la lingua scritta, etc. Suvent faja dabsögn da collavurar cun la fisioterapia e l'ergoterapia. Ma il plü important esa da preservar cha l'uman pertoc da quist impedimaint haja la pussibilità da communicar in ün'o tschella maniera.

Quist lavur es stat per mai ün sigl aint ill'aua fraida, ma eir ün sigl chi m'ha rivi ils ögls per blera roba.

Intant sun passats trais ons ed eu sun darcheu tuornada in Engiadina. Minchatant suna darcheu in visita in ün'o tschella stanza da scoula, però pel solit suna in mia stanza da terapia. Eu nun ha plü üna rotscha d'uffants davant mai, suvent es be ün uffant accompagnà d'ün genitur in mia stanza. Ils uffants chi vegnan pro mai sun our da Vossas scoulas. Els han ün sbagl da discorrer, ün sbagl da la vusch, ün debel general da la lingua ed adüna ha quai per consequenza ün impedimaint da la comunicaziun, per il üns daplü, pels oters d'ain. Però i po eir esser suotsura, nempe cha'l impedimaint da la comunicaziun impedischa il svilup da la lingua discurrüda e scritta.

Chi saja sco chi vögla in mincha cas esa per mai important da svagliar il plaschair per la comunicaziun e per la lingua.



*Ingün nun inclegia che ch'el discorra – ün dilemma per R., ün mat da scoulin.*